



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Parallela Geographica Italiae Veteris Et Novae

Briet, Philippe

Parisiis, 1649

Nvm. 5. De Picentinis, nous Campani littoris accolis.

urn:nbn:de:hbz:466:1-13120

N V M. 5. *De Picentinis novis Campani littoris accolis.*

CAMPANIÆ pars à Surrento, Sorrento, ad Silarum vsque Fl. à Romanis contributa est Picentium parti, quam ex Supero Mari ad Inferum traduxerunt, inquit Strabo lib. 5. nec est causa, cur in eius verbis tantas tragœdias Cluverius excitet vir plerumque ad nauseam vsque accuratus. Hæc autem migratio contigit cum M. Curius Dentatus Samnites, & Sabinos devicit anno V. C. 463. & ab eo tempore Picentiorum & Picentium, promiscuum antea nomen, distingui cœpit: qui Mare Superum accolebant dicti *Picentes*, qui Inferum *Picentini*. Eos autem idem Strabo collocat ad finem Posidoniatem; videlicet eò vsque sinus ille protendebatur.

FINES autem Picentiorum assignantur illi; *ab Occidente* Campanos habent; à *Septentrione* & *Oriente* Hirpinos; à *Meridie* mare Inferum, & Silarum Fl. quo à Lucanis dirimuntur.

§. 2. *Descriptio Geographica Campaniæ, hodie la pluspart de la terre de Labeur.*

N V M. I. *Vrbes Maritimæ, & Promontoria Campaniæ.*

SINVESSA Col. antea Sinope à Plinio dicitur extrema Latij; apud Polybium in Campaniâ locatur, in Veseino sinu à Strabone, Soessa corruptè Ptolemæo dicitur. Facta est Col. an. V. C. 458. quando Sinope dici desit. Fit mentio aquarum Sinuessarum ubi Tigellinus periit; hæc foeminarum sterilitatem, virorum insaniam sanant Plinio, hodie *Bagni*. Vrbs sita erat ad radices M. Maffici, vulgò *Monte Dragone*, ubi eius rudera visuntur.

Vulturnum facta Col. 555. V. C. hodie *Castello à Mar di Voltorno*, aut *Castel di Voltorno*.

LITERNVM, ad Fluvium cognominem, postea corruptè à quibusdam Linternum, incolæ Liternini Colon. Ro. ubi exulavit, mortuus, & sepultus Maior Africanus: hodie *Torre di Patria*: iuxtà Literninæ paludes, *il Lago di Patria*, & Gallinaria sylva prædonum olim recepraculum.

CVMÆ, & Cuma, & Cume, specula maris Etrusci Agathix, qui eam urbem accuratè describit in colle: condita à Chalcidensibus Euboicis, quos deduxit Columba, aut crepitus æris, ait

K Kkk iij